

31  
12

31  
12

國  
A  
六  
五  
九  
四

1925.153

31  
12





遠安縣志卷之五

武備志

稽古文武合一故入為鄉士出為侯伯兵民不分故無事荷鋤有事執戈厥制誠善矣然時移勢殊而經畫亦異明成化間土寇劉千斤石和尚出沒當遠當事者以遠邑為要害地置守禦千戶所揀三衛材官精兵駐鎮亦唐府兵遺意也迨承平日久武備廢弛經寇賊之變喪敗不能復振是以明季又有遠洋營之設方今

遠安縣志

卷五

王猷允塞四海歸心蠢爾虎孽實逼處此勞我荆鎮函營戍守豈止固我殘邑且為荆陽屏障焉故脩記其歷年戰功并存明初舊制以為觀鑒

秩勳明指揮一員蔡溥

千戶五員宋璽 朱綱 蕭綱

蘇懋 李璿

鎮撫二員吳璜 龐清

百戶十四員杭懋 李俊 陸榮

姜維 蔣龍 胡俊



傳通龍傳汪禎

侯善陶綱常安

蘇縞張忠

武明成化戊子撥旗軍壹千柒拾餘名守禦後調  
參百名防守竹山縣又歷年逃故甚多萬歷間實  
在旗軍參百伍拾捌名內輸戌南襄紅沙壹百貳  
拾有參守城操備僅貳百參拾伍名今經兵火逃  
亡殆盡

賦屯田計原納子粒米柒百捌拾壹石伍斗壹

遠安縣志

卷五

二

升陸合後加增至捌百壹拾壹石伍斗伍升貳合  
有零田俱在江陵宜都枝江松滋當陽等縣地方  
驛明遠安縣倉小麥壹百參拾柒石陸斗陸升捌  
合柒勺○監利縣米陸百壹拾玖石○彝陵州米  
壹千石○宜都縣米壹百壹拾石零○興山縣米  
壹百伍拾肆石○巴東縣米壹百玖拾玖石俱折色  
兵明遠安守禦千戶所在舊城肉西南隅今廢○  
都指揮分司在舊城今廢○教場在舊城南門外  
計周圍貳百貳拾丈○預備倉二一在舊城所



一 當陽沙漢行屯田內今俱廢

二 襄陽城九十里去古南襄城半里通巴

三 襄陽城等處流賊出沒其地一要害也漢關將軍

當年曾屯於此明成化四年建堡周圍有垣南北

有門輪柵本所官一員旗軍壹百名戍守今廢

一 攷格明五歲一攷選本所掌印兼管屯司馬政

官一員佐貳清軍城操官一員巡捕兼理刑官一

員十百戶所掌印百戶各一員或以能者兼之今廢

附遠洋營事實明方應星者武昌庠生也以武舉

遠安縣志

卷五

為督撫朱公諱一鶴所擢官以都司授精兵三百

防守遠安號遠洋營闖賊據襄陽招降不從遣虎

賊數萬騎攻城三日不下降丁甄自強開南門應

之城陷星被執不跪誘以偽職不從大罵死之噫

若星者可謂能死其職矣當其平常無事跡其所

為一酒色之徒耳及其臨變勇敢抗敵慷慨授命

全家與難而不顧何其烈也以視夫全軀保妻子

者不大相逕庭哉 ○附歷年戰功

順治三年虎賊攻圍荊州 貝勒王兵至賊潰奔



遠安據呼兒洞山頂官兵復追擊又大破之賊北遁○六年王賊犯境荆鎮總兵鄭公四維進剿賊敗遊擊呂騰蛟深入沒於陣○九年虎賊入寇邑侯盧請鎮兵勦殺賊潰遊擊汪吉當先遇伏死之○十年春虎賊犯境遊擊白可愛將兵擊之殺賊百餘生擒二十餘名又五月賊復犯境愛將兵擊之追至西河口賊遁先是鹿溪一帶賊潛伏難測自擊敗後畏其智勇不敢伏草邊境賴之由是始也○十二年虎賊夜襲新城迷遁及天明

遠安縣志

卷五

四

列營向家坂搦戰遊擊趙克仁出戰新城鄉勇於四山樹旗幟為疑兵賊將授首生擒百餘時賊衆我寡力戰破之可謂健將○十四年春遊擊黃名世屯兵向家坂夜半賊入營世被執守備劉戰死之○十四年增戍兵兩營○十五年設立木城駐札防兵○附管見遠安為荆楚門戶當明季時闖逆獻逆及十三家賊無一不出沒其間兵防顧可忽乎哉但前此猶時來時去西北居民恃其高山深谷較東南差少擄掠之慘迨至順治九年



虎孽盤踞與歸西北逼近賊穴遭其屠戮者半逃  
亡者半昔之士著無一存者所賴 荆鎮各營將  
領努力危疆保護不遺良非淺鮮然各營屢立戰  
功而黃營不免失利士民日遭荼毒何也以防兵  
單弱賊衆我寡也且營壘無寨柵可據而往來之  
奸細未盡絕也幸邑侯安 蒞任首請增兵蒙  
部院李 面諭曰遠安信荆楚門戶增兵非止為  
遠計爰從其請更番戍守每夫兩營而兵執振矣  
建設木城而營壘堅矣于是編保甲練鄉勇謹傳

信之砲嚴譏察之令而奸宄屏息士民始有固志  
所以遠安自丁酉以迄於今寇逼門庭不敢輕犯  
其大效不亦可觀哉然此其禦變之急著耳若乃  
邊孽芟除與歸克復則修舊治設城守當事者自  
有經久之策焉

補遺名卷無補遺而武備獨及覆加詳豈溢美哉  
遠安小邑受賊害較慘師武臣之戰封疆安危殘  
黎生死係焉至重也故復訪實詳紀其功云  
順治六年二月姚黃王二王三等賊萬餘出犯茅



坪荆鎮中營遊擊武君相奮勇擊之活擒偽副將  
張有才偽參將李學等偽守脩王自登等賊一百  
餘名獲騾馬旗幟器械無數又守脩龍英生擒高  
照劉大漢賊大奔潰○九年賊犯高荒嶺君相追  
斬偽百總李大廷生擒無數賊遁又十月郝賊犯  
迴水岩遊擊武君仕當先殺賊百餘生擒二十餘  
名賊遁○十一年李賊出犯十八彎守脩涂鎧殺  
賊多級活擒數十賊遁又十月李賊遣党賊等盤  
踞北砦一帶砦民李春元六兒等順賊遊擊崔文

元同守脩閔陞領兵撲勦賊遁招撫春元等釋之  
○十八年新任遊擊沈應宗輪守賊不入境四野  
晏安